

Il Grischun sa prepara per il return dal luf-tscherver, il luf e da l'urs

■ (cc) La regenza ha prendì enconuschiantscha dal rapport da la gruppera chantunala da lavur per ils gronds animals da rapina. Quest rapport descriva las strategias pussaivlas e las mesiras ch'èn da prender en vista al return dal luf-tscherver, il luf e da l'urs. La regenza resguarda il rapport sco ina basa impurtanta per ina moda da procedura che vul cuntanscher ina schliaziun en cas ch'is gronds animals da rapina cumparan. Cun il return da las spezias d'animals da rapina protegidas luf-tscherver, luf ed urs èsi da far quint er en il chantun Grischun. Da quest fatg resultan numerus conflicts. Perquai èsi da sviluppar a temp strategias e soluziuns per ils conflicts previsibles. Questas strategias e soluziuns ston avair la finamira da crear in ambient positiv en il chantun Grischun per il return dals gronds animals da rapina.

Il return dal luf-tscherver, il luf e da l'urs pretenda differentas strategias

En vista ad in return pussaivel dal luf-tscherver, il luf e da l'urs èn da prender en mira differentas strategias. En conex cun il luf-tscherver èsi da far quint a curta vista cun ina immigraziun d'animals singuls. Ina reintroduziun activa da quest giat da rapina en il Grischun na duai betg succeder per il mument. Ma a media vista na duai quella betg vegnir excludida, sche la confederaziun ha créa fin quella giada cundiziuns generalas ch'empermettan success. Sut questa premissa duai pudair viver a lunga vista ina populaziun da lufs-tscherver ch'è adattada al spazi da viver e ch'è autosufficienta er en il chantun Grischun. Il luf e l'urs na vulan ins betg reintroducir. En cas d'ina immigraziun naturala duain il luf e l'urs pudair survivor en il Grischun. Cun questa decisiun vul il chantun giadar a stabilir e mantegnair en l'artg alpin populaziuns da lufs e dad urs ch'èn ablas da viver.

Las consequenzas per la chatscha e l'agricultura ston esser supportablas

Ils gronds animals da rapina cha-



Per l'acceptanza dals gronds animals da rapina gioga la lavur da publicitat ina rolla impurtanta.

LO

schunan principalmain conflicts cun la chatscha e cun l'agricultura. Per schliar questi conflicts ston crear la confederaziun ed il chantun las cundiziuns generalas necessarias durant ils proxims onns. Per la chatscha èn d'examinar spezialmain las consequenzas da l'immigraziun dals gronds animals da rapina sin ils effectivs da selvaschina d'ungla e sin la chatscha. Questas consequenzas ston pudair vegnir reguladas dal chantun en il rom da la planisaziun da chatscha, uschia ch'ina utilisaziun adequata dals effectivs da selvaschina tras la chatscha resta garantida er en il futur. A lunga vista duai perquai esser pussaivla en il rom da la planisaziun da chatscha er ina chatscha persistenta da l'effectiv da lufs-tscherver.

Per l'agricultura è relevanta surtut la dumonda da la prevenziun e da l'indemnisaziun dals donns da selvaschina. En in emprim pass duai vegnir eruida, en il rom da projects da pilot, l'efficacitad da las mesiras pussaivlas per prevengrils donns da selvaschina encounter animals da niz. A media vista vulan ins augmentar las tariffas da contribuziun da la confederaziun per la prevenziun e

l'indemnisaziun dals donns da selvaschina e crear sistems da stimulaziun per tegnair muvel manidel a moda ch'è na dat betg conflicts. Inditgond las mesiras da defensiun imputablas duai dentant avair effect, en il senn d'ina perspectiva a lunga vista, il princip da l'atgna responsabladad dals proprietaris d'animals da niz. Ultra da quai duai vegnir delegada la cumpetenza da sajettar e tschiffar lufs-tscherver e lufs che fan donn da la confederaziun als chantuns. Sin plaun chantunal duai la finala succeder ina reordinaziun da las funtaunas finanziyalas per indemnizar ils donns dals gronds animals da rapina luf-tscherver, luf ed urs.

Lavur da publicitat è impurtanta per l'acceptanza

Per l'acceptanza dals gronds animals da rapina gioga la lavur da publicitat ina rolla impurtanta. Perquai duai ella vegnir concepida e realisada a moda professiunala. Ultra d'appellar a la publicitat generala èsi d'appellar spezialmain als purs, allevaturs da nursas ed als chatschaders, sco gruppera en mira. Ina ulteiriura finamira da la lavur da publicitat

sto esser quella da reducir la differenza tra tranter citad e champagna en la dumonda davart l'acceptanza dals gronds animals da rapina sco er da reducir ils pregiudizis vicendaives.

La regenza resguarda il rapport sco positiv

En vista al return dals gronds animals da rapina resguardada la regenza il rapport da la gruppera chantunala da lavur per ils gronds animals da rapina sco ina basa impurtanta per ina procedura che vul cuntanscher ina schliaziun. Questas dumondas duain vegnir scleridas er en il futur en in vast rom ed integrond tut las organisaziuns e federaziuns decisivas. Per schliaziuns che laschan cuntanscher la finamira è necessaria ultra da quai ina stretga collavuraziun tra tranter la confederaziun ed il chantun.

Infirmaturs:

- cusselglier guvernativ Stefan Engler, schef dal departament da construcziun, traffic e selvicultura, tel. 081 257 36 01
- Gion Cotti, servetsch giuridic dal departament da construcziun, traffic e selvicultura, tel. 081 257 36 13
- Hannes Jenny, biolog da selvaschina, inspecurat da chatscha e pestga, tel. 081 257 38 93